

## **Resource: Biblica Bible Dictionary**

**Biblica Study Notes (Key Terms)** © 2023 Biblica Inc. Released under CC BY-SA 4.0 license. Biblica Study Notes has been adapted in the following languages: Tok Pisin, Arabic (عربي), French (Français), Hindi (हिंदी), Indonesian (Bahasa Indonesia), Portuguese (Português), Russian (Русский), Spanish (Español), Swahili (Kiswahili), and Simplified Chinese (简体中文) from Biblica Study Notes © 2023 Biblica Inc. Released under CC BY-SA 4.0 license by Mission Mutual.

## Biblica Bible Dictionary

### S

#### Saba

Nambari inayotumika katika Biblia kuzungumzia mambo ambayo yamekamilika. Inaonyesha kwamba mambo yamekamilika na ni kamilifu.

#### Sadaka za hatia

Dhabihu au sadaka kwa wakati watu walipokuwa wasio waaminifu kwa Mungu na kutenda dhambi bila kukusudia. Pia zilikuwa kwa wakati watu walipotenda dhambi dhidi ya wengine. Mungu aliwataka watu kutoa dhabihu hizi. Wakati watu walipotambua walichokosea, walipaswa kuacha. Walipaswa kumrudia Mungu na kumtumaini awasamehe. Wangeonyesha hili kwa kutoa sadaka ya hatia. Kuchinja kondoo dume ilikuwa njia ya kulipia dhambi aliyotenda mtu. Kisha mtu mwenye hatia alipaswa kurudisha alichochukua. Pia walipaswa kulipa ziada kwa mtu waliyemduru. Makuhani walichoma sehemu ya sadaka ya hatia. Sehemu nyingine walikula ndani ya ua wa hema takatifu au hekalu.

#### Sadaka za kutakasa dhambi

Dhabihu au sadaka ambazo Mungu aliwataka watu wake kutoa walipokosa bila kukusudia. Watu walipotambua kuwa wamekosa, walipaswa kuacha. Walipaswa kumrudia Mungu na kumtumaini awasamehe. Wangeonyesha hili kwa kutoa sadaka ya kutakaswa dhambi. Kuchinja mnyama ilikuwa njia ya kulipia dhambi aliyofanya mtu. Sadaka ingeweza kuwa ng'ombe, mbuzi, wana-kondoo, hua, njiwa au unga mzuri. Mungu alihitaji sadaka za kutakasa dhambi zitolewe mara tu dhambi ilipogunduliwa. Pia zilipaswa kutolewa kwa wakati fulani wa mwaka. Sadaka nyingi za dhambi zililiwa na makuhani ndani ya ua wa hema takatifu au hekalu. Sadaka nyingine za kutakasa dhambi zilipaswa kuchomwa kabisa. Sehemu zake zilichomwa kwenye madhabahu. Sehemu nyingine

zilichomwa nje ya kambi au mji. Yesu alipojitoa dhabihu msalabani, alilipia dhambi za watu wote. Alikuwa sadaka ya mwisho ya kutakasa dhambi iliyohitajika.

#### Sadaka za kuteketezwa

Dhabihu au sadaka za wanyama wa kiume wasafi, au ndege ambazo watu walichagua kutoa. Mnyama mzima isipokuwa ngozi ilichomwa. Hii ilikuwa ishara kwamba, mtu anayetoa dhabihu, alikuwa amejitolea kabisa kwa Mungu. Kulikuwa na nyakati fulani, ambapo dhabihu za kuteketezwa zilihitaajika kufanywa. Watu pia wangeweza kutoa dhabihu za kuteketezwa nyakati nyingine walipotaka. Tarumbeta zilipigwa wakati wa dhabihu za kuteketezwa.

#### Sadaka za nafaka

Dhabihu au sadaka za mikate na unga ambazo watu walichagua kutoa. Zilitolewa pamoja na mafuta, uvumba, chumvi na wakati mwingine divai. Makuhani walikula sehemu ya sadaka za nafaka. Zilizobaki zilichomwa.

#### Sadaka za urafiki

Dhabihu au sadaka zilizotolewa na watu kuonyesha shukrani yao kwa Mungu. Sadaka hizi zilionyesha uhusiano wa ndani kati ya Mungu na watu wake. Ndiyo maana sadaka hizo zinaitwa sadaka za urafiki. Pia zilifanywa kama sehemu ya kutimiza ahadi ambayo mtu alikuwa ameitoa. Sadaka hizo zingeweza kuwa kitu chochote ambacho mtu alichotaka kutoa. Vifaa vilivyotolewa na watu kwa ajili ya kujenga hema takatifu na hekalu vilihesabiwa kama sadaka za urafiki. Wanyama walitolewa dhabihu kama sehemu ya sadaka za urafiki. Unga, mafuta na divai pia vilitolewa. Kuhani pamoja na wale waliotoa sadaka hii walikula sehemu yake. Walikula baada ya

kutolewa dhabihu. Tarumbeta zilipulizwa wakati wa sadaka za urafiki.

## Safari za Paulo

Paulo alifanya safari kadhaa ndefu katika ardhi zilizotawaliwa na serikali ya Kirumi. Kila mahali alipoenda, alihubiri habari njema kuhusu Yesu kwa Wayahudi kwanza. Kisha alihubiri kwa Mataifa. Alisaidia kuyaanzisha makanisa miongoni mwa wale waliomwamini Yesu. Alisafiri na Barnaba kwenye safari ya kwanza. Alisafiri na Sila kwenye safari ya pili. Alisafiri na wasaidizi kadhaa kwenye safari ya tatu. Alisafiri kama mfungwa kwenda Roma kwenye safari yake ya nne. Kila safari ilidumu zaidi ya mwaka mmoja.

## Safi au chafu

Jinsi Sheria ya Mose ilivyoelezea mambo ambayo yanguweza au yasiyoweza kuwa

## Safii au najisi

Ni njia ambazo Biblia inaelezea kile kinachokubalika au kisichokubalika kwa Mungu. Vitu vinachukuliwa kuwa safi wakati vinakubaliana na kile Mungu anataka. Vitu vinachukuliwa kuwa najisi wakati vinakwenda kinyume na kile Mungu anataka. Mawazo, maneno na matendo ya watu yanaweza kuwa safi au najisi. Biblia pia inaita vitu safi visafi na vitu najisi visivyo safi. Roho Mtakatifu anaishi miongoni mwa watu wanaoishi kwa njia safi. Watu wanaoishi kwa njia najisi hawawezi kuwa karibu na Mungu. Katika Agano la Kale, Mungu aliwapa watu wake njia za kuchukuliwa kuwa safi na visafi. Yesu alipokuja, dhabihu yake msalabani iliwafanya wafuasi wake kuwa safi. Wafuasi wa Yesu hubaki safi kwa kufuata mfano wa Yesu wa kuishi. (Safii au najisi)

## Safina

Ni meli kubwa ambayo Mungu alimpa Noa maagizo ya kujenga. Mungu aliwaweka watu na wanyama salama ndani ya safina wakati wa gharika.

## Sala

Tabia ya kuzungumza na Mungu na kumsikiliza Mungu.

## Samaria

Ni mji mkuu wa ufalme wa kaskazini wa Israeli. Omri alifanya Samaria kuwa kitovu cha serikali ya ufalme wa kaskazini. Ahabu alifanya mji huo kuwa kitovu cha ibada za ufalme wa kaskazini. Waashuri walichukua udhibiti wa mji na eneo linalozunguka mwaka 722 kabla ya Yesu (KK). Walileta makundi mengine ya watu kuishi huko. Makundi haya ya watu yalichanganyika na Waisraeli waliobaki Samaria. Watoto wao walijulikana kama Wasamaria. Katika kipindi cha Warumi, Samaria ilikuwa eneo la Israeli. Ilikuwa kati ya Galilaya kaskazini na Yudea kusini. Katika wakati wa Yesu, Wasamaria walidai kuwa kutoka kwenye ukoo wa Abrahamu. Wayahudi na Wasamaria kwa kawaida walitendeana kama maadui.

## Samehe

Kuna maneno kadhaa kutoka lugha za Kiebrania na Kigiriki yanatumika katika Biblia kwa neno kusamehe. Maneno haya yanaelezea kwa njia nyingi maana ya kusamehe na kusamehewa. Deni la pesa linaweza kusamehewa. Hii inamaanisha kwamba mtu anayekopa pesa hatalazimika tena kulipa. Dhambi inaweza kusamehewa. Mungu ndiye anayesamehe dhambi. Hii inamaanisha kwamba Mungu anatambua dhambi iliyofanywa. Mungu anatambua ni mtu gani au kundi gani la watu lina hatia ya dhambi hiyo. Hatia ni kama mzigo mzito ambao Mungu huondoa kwa mtu anapomsamehe. Mungu huondoa hatia ya mtu au kundi. Ni kama Mungu anachukua dhambi na kuiachilia mahali mbali sana. Mungu huchagua kutotoa hukumu dhidi ya mtu au kundi kwa sababu ya dhambi zao. Mungu yuko tayari kila wakati kuwasamehe watu kwa dhambi zao. Hii ni kwa sababu yeye amejawa rehema na upendo. Mungu anataka watu wote na makundi yote ya watu waache dhambi. Anataka wamuombe Mungu msamaha awasamehe. Mungu pia anataka watu wote na makundi yote ya watu wafuate mfano wake. Anataka wasameheane kwa dhambi zao.

## Samsoni

Ni mmoja wa majaji 12 wa Israeli. Alikuwa kutoka kabila la Dani, na baba yake alikuwa Manoah. Malaika wa Bwana alimtokea mama yake kutangaza kuzaliwa kwake. Alipaswa kuishi kama Mnadhiri maisha yake yote. Mungu alimtumia Samsoni kuwaokoa Waisraeli kutokana na kutendewa vibaya na Wafilisti.

## Samweli

Ni mwisraeli ambaye alihudumia watu wa Mungu kama nabii, kuhani na hakimu. Katika lugha ya Kiebrania jina Samweli linamaanisha kusikilizwa na Mungu. Jina hilo linaweza pia kumaanisha kuazimwa kutoka kwa Mungu. Samweli alikuwa mwaminifu kwa Mungu maisha yake yote. Alikuwa mwana wa Elkana na Hana. Alitoka katika kabila la Lawi kupitia ukoo wa Kora. Wanawe walikuwa Yoeli na Abiya. Samweli alilelewa kama Mnadhiri katika hema takatifu huko Shilo. Alianza kuhudumia Waisraeli kama nabii alipokuwa kijana. Alihudumu kama kuhani baada ya Eli kufa. Alipohudumu kama hakimu Mungu aliwaokoa Waisraeli kutoka kwa Wafilisti. Samweli alimtia mafuta kwanza Sauli na kisha Daudi kuwa mfalme.

## Sanduku la agano

Ni kasha (au sanduku) muhimu ambalo ilikuwa ishara ya agano la Mlima Sinai. Vitu vitakatifu vilihifadhiwa ndani yake. Hii ilijumuisha mbao za mawe zenye Amri Kumi. Pia ilijumuisha kopo ya mana na fimbo ya Aroni. Mwanzoni sanduku lilihifadhiwa katika hema takatifu. Baadaye lilihifadhiwa katika Chumba Kitakatifu Zaidi cha hekalu (Chumba Kitakatifu Zaidi). Kilikuwa kama kiti cha enzi cha Mungu duniani. Kilikuwa mahali ambapo watu wa Mungu wangeweza kukutana naye.

## Sanhedrini

Ni kikundi cha viongozi wa dini 70. Walikuwa na mamlaka makubwa zaidi katika mahakama za Kiyahudi wakati wa Yesu. Sanhedrin pia iliitwa Baraza la Kiyahudi. Walitunza hekalu huko Yerusalemu na kufanya maamuzi muhimu kwa watu wa Kiyahudi. Wafarisayo na Masadukayo wote walihudumu katika Sanhedrin. Baraza hili

lilimpinga Yesu. Pia waliwapinga mitume ambao walieneza habari kuhusu Yesu kufufuka kutoka kwa wafu.

## Sara

Ni mwanamke kutoka Mesopotamia ambaye alikuwa mke wa Abrahamu. Alikuwa binti wa Tera lakini kutoka kwa mama tofauti na Abrahamu. Mungu alibadilisha jina la Sarai kuwa Sara katika Mwanzo sura ya 17. Katika lugha ya Kiebrania, Sarai na Sara majina yote anamaanisha malkia au mwanamke mashuhuri. Kwa miaka mingi hakuweza kupata watoto. Mungu aliahidi kwamba angepata mwana. Alipokuwa mzee sana, alizaa Isaka.

## Sardis

Mji muhimu katika eneo la Kirumi la Asia. Kulikuwa na hekalu la mungu wa kike Artemis.

## Sauli

Ni mfalme wa kwanza wa Israeli. Alikuwa mwana wa Kishi na alitoka katika kabila la Benyamini. Alikuwa mrefu sana na mwenye sura nzuri. Kama mfalme, aliacha kumwamini na kumtii Mungu. Kwa sababu hii, ukoo wake haukuendelea kutawala Israeli. Sauli alitawaliwa na hofu na wivu. Alijaribu sana kumuua Daudi. Alikufa katika vita dhidi ya Wafilisti.

## Sehemu ya kwanza ya mazao

Waisraeli walipaswa kutoa sadaka ya sehemu ya kwanza ya mazao yao. Walifanya hivi mwanzoni mwa mavuno wakati wa Sikukuu ya Mikate Isiyo na Chachu. Hii iliwakumbusha kwamba ardhi na kile ilichozalisha kilikuwa mali ya Mungu. Iliwakumbusha kwamba Mungu alitoa kila kitu walichohitaji.

## Sethi

Mwana wa Adamu na Hawa. Alikuwa kama Adamu kwa njia ambazo Kaini hakuwa. Sethi alimfuata Mungu, na Mungu alimchagua ili afanye kazi

kupitia ukoo wa Sethi katika mpango wake wa kuokoa dunia. Yesu alitoka katika ukoo wa Sethi.

## Shairi

Njia ya kuzungumza au kuandika ambayo inaweza kuwa kama kuimba. Mara nyingi mashairi hayaelezi mambo moja kwa moja. Yanaunda picha na alama kwa maneno. Haya husaidia watu kuelewa kile mzungumzaji au mwandishi anachosema. Mashairi yanaeleza kitu kwa kuelezea jinsi kilivyo kama kitu kingine. Biblia inajumuisha mashairi mengi yaliyoandikwa kwa lugha ya Kiebrania. Mengi ya haya yalizungumzwa na kuandikwa mistari miwili kwa wakati mmoja. Mistari wa kwanza ulishiriki wazo, kisha mistari wa pili ulikamilisha wazo hilo. Ilifanya hivyo kwa kushiriki wazo lile lile tena kwa njia mpya au tofauti. Hii ilisaidia watu kuelewa na kukumbuka kile mzungumzaji au mwandishi alitaka kusema.

## Shairi la Alfabeti

Ni shairi ambalo kila mistari au sehemu huanza na herufi tofauti ya alfabeti. Mistari au sehemu ya kwanza huanza na herufi ya kwanza ya alfabeti. Mistari au sehemu ya pili huanza na herufi ya pili. Mpangilio huu unaendelea hadi mwisho wa alfabeti. Mashairi ya alfabeti yalikuwa ya kawaida katika lugha ya Kiebrania. (Shairi)

## Shekemu

Mji katika Kanaani ambao ulikuwa mji muhimu katika Israeli, Abrahamu na Yakobo walijenga madhabahu kwa Mungu huko. Shekemu pia lilikuwa jina la mtu aliyembaka Dina. Ndugu za Dina walimuua Shekemu na wanaume wa mji huo kwa sababu ya kile alichofanya Shekemu.

## Shema

Ombi la Kiyahudi linalojumuisha Kumbukumbu la Torati 6:4. Katika lugha ya Kiebrania, neno la kwanza la Kumbukumbu la Torati 6:4 ni shema. Linamaanisha kusikiliza na kuchukua hatua kulingana na kile kilichosikika. Katika lugha ya Kiebrania, kusikia na kufanya vinaeleweka kuwa kitu kimoja. Shema inaelezea kile ambacho agano la Mungu na Waisraeli lilikuwa kuhusu. Mungu ni

mmoja na ndiye Mungu wa kweli pekee. Waisraeli walipaswa kumtii Mungu pekee. Hii ilikuwa kweli kwa kila mtu. Pia ilikuwa kweli kwao kama jamii. Walipaswa kutii Amri Kumi na sheria zote za Mungu. Mambo mengi yangewasaidia kukumbuka Mungu ni nani na aliamuru nini. Walipaswa kuzungumza kuhusu amri zake wakati wote kila mahali na na kila mtu. Walipaswa kuziandika. Walipaswa kuweka vikumbusho kwenye nguo zao, miili yao, nyumba zao na malango yao. Walipaswa kuuliza maswali kuhusu Mungu kwa uhuru na kuzungumza naye na watoto wao. Yesu alitumia maneno ya Shema katika Marko 12:29.

## Shemu

Mwana wa pili wa Nuhu; yeye na mke wake waliokolewa kutoka kwenye gharika kwa sababu walikuwa ndani ya safina. Alimheshimu baba yake wakati Nuhu alipolewa baada ya gharika. Shemu alimfuata Mungu. Nuhu alimtambua Shemu kama kiongozi miongoni mwa ndugu zake. Alitamka baraka juu ya familia ya Shemu.

## Shemu ya Kumi

Waisraeli walipaswa kutoa sehemu ya kumi ya kila kitu walichokuwa nacho kwa Mungu. Hii ilijumuisha kila kitu kilichozalishwa na ardhi yao na mifugo yao. Hii ingewasaidia kukumbuka kwamba kila kitu ni mali ya Mungu. Ingewasaidia kukumbuka kwamba kila kitu walichokuwa nacho ni zawadi kutoka kwa Mungu. Ingewasaidia kuwa na furaha tele katika nchi ambayo Mungu aliwapa. Walitoa sehemu ya kumi ya kila kitu kwa Mungu kwa Walitoa sehemu ya kumi ya vitu vyote kwa Mungu kwa kuwagawia makuhani na Walawi. Pia waliwagawia maskini na wahitaji. Zoezi la kutoa sehemu ya kumi kwa Mungu lilidumu kwa mika mingi. Pia inaitwa kutoa zaka. Wakristo wengi wanatoa zaka kwa kanisa lao. Zaka inaweza kuwa ni sehemu ya mapato yoyote ya kazi yao ikiwemo pesa.

## Sherehe

Sherehe ni shughuli zilizowasaidia Waisraeli kumkumbuka Mungu ni nani. Sikukuu ziliwasaidia kukumbuka kwamba Mungu angeendelea kuwalinda na kuwapa mahitaji yao. Sikukuu zilihusisha kupumzika badala ya kufanya kazi zao

za kawaida. Zilihusisha kula pamoja. Pia zilihusisha kutoa dhabihu na kumwabudu Mungu.

## Sheria katika Kitabu cha Mambo ya Walawi

Mungu aliwapa Musa na Aroni sheria za jinsi Waisraeli walivyopaswa kuishi pamoja. Nyingi zilikuwa sheria za jumla kuhusu mambo ambayo yangeweza kutokea siku hizo. Zilikuwa za kusaidia watu kujifunza kuhusu Mungu ni nani. Sheria ziliwasaidia kufanya maamuzi ya busara kuhusu mambo ya kila siku. Watu wa Mungu walipaswa kufanya maamuzi yao yote kwa msingi wa Mungu ni nani.

### Sheria ya Kristo

Njia ya kuzungumza kuhusu kufuata mfano wa Yesu wa namna ya kuishi. Yesu aliwaamuru wanafunzi wake kumpenda Bwana Mungu kwa moyo wao wote, roho, nguvu na akili. Aliwaamuru wapende jirani zao kama nafsi zao (Luka 10:27). Alipokuwa akiishi duniani, Yesu aliwaonyesha jinsi ya kufanya hivyo. Yesu alimpenda na kumtii Baba yake. Alijitoe kwa ajili ya manufaa ya wengine. Aliachilia haki zake ili kuokoa ulimwengu. Aliwahudumia wengine kuwaonyesha jinsi Mungu anavyowapenda.

### Sheria ya Musa

Kuna maana mbili za Sheria ya Musa. Maana ya kwanza ni maagizo ya Mungu kwa Waisraeli kuhusu jinsi ya kuishi maisha yao. Hii pia inaitwa sheria. Inajumuisha Amri Kumi. Mungu alitoa maagizo haya kupitia Musa. Baadhi ya sheria zilikuwa kuhusu kumwabudu Mungu kwa njia sahihi. Sheria nyingine zilikuwa kuhusu jinsi Waisraeli walivyopaswa kutendeanza. Nyingine zilikuwa jinsi Waisraeli walivyopaswa kuishi pamoja katika jamii na kama taifa. Maana ya pili ya Sheria ya Musa ni vitabu vitano vya kwanza vya Agano la Kale. Hapo ndipo sheria zote zimeandikwa. Vitabu hivi pia vinaitwa Torah na Pentateuki. Katika lugha ya Kiebrania Torah inamaanisha sheria. Katika lugha ya Kigiriki Pentateuki inamaanisha vitabu vitano. (Amri Kumi, sheria za Kiyahudi)

## Sheria za Kiyahudi

Njia ya maisha ya Kiyahudi yalitegemea sheria za Kiyahudi. Sheria nyingi kati ya hizi zilitoka kwenye Sheria za Musa. Viongozi wa kidini wa Kiyahudi pia waliongeza sheria na kanuni kwenye zile sheria za awali. Baadhi ya hizi sheria na kanuni za ziada zilisaidia watu kutii Sheria za Musa. Nyingine zilifanya maisha kuwa magumu sana kwa Wayahudi. Viongozi fulani wa kidini walitumia sheria kudhibiti kile watu walifanya. Pia walizitumia kujionyesha kuwa bora zaidi. Walifanya hivi ili ionekane kwamba Mungu aliwapendelea zaidi kuliko watu wengine. (Amri Kumi, Sheria za Musa)

## Shilo

Mji muhimu wa Waisraeli katika nchi ya milima ya Efraimu, ulikuwa kaskazini mwa Yerusalemu. Yoshua aliweka hema takatifu hapo walipoingia Kanaani.

## Shimo la kuzimu

Ni njia ya kuzungumza kuhusu mahali palipojaa pepo wachafu. Katika injili ya Luka, Yesu alikuwa na mamlaka ya kuwatuma pepo wachafu huko (Luka 8:31). Katika maono yaliyorekodiwa katika Ufunuo, Yohana aliona kama shimo lisilo na mwisho. Ilitawaliwa na pepo mchafu aitwaye Mwangamizi. Pepo wachafu hao walitoka humo tu wakati Mungu alipowaruhusu. (Pepo wachafu)

## Sihoni na Ogu

Wafalme wawili wa Waamori waliokuwa wanaishi mashariki mwa Mto Yordani. Sihoni alikuwa mfalme wa Heshboni na Ogu alikuwa mfalme wa Bashani. Waisraeli waliomba ruhusa ya kusafiri kupitia ardhi zao kwa amani. Sihoni na Ogu waliwashambulia lakini Waisraeli walishinda vita hivyo. Baadhi ya makabila ya Waisraeli walichagua kubaki na kuishi katika ardhi hizo.

## Siku 40

Namna ambayo waandishi wa Biblia walielezea wakati kitu muhimu cha kiroho kilipotokea. Hii inaweza kuwa changamoto ya kiroho. Inaweza

kuwa wakati wa kuwa karibu na Mungu au kukutana na Mungu. Inaweza kuwa wakati wa kuacha dhambi na kuwa na imani yenye nguvu kwa Mungu. Inaweza kuwa au inaweza isiwe ilidumu kwa kipindi cha siku 40 na usiku 40. Nambari hizo zilikuwa ishara kuhusu jambo la kiroho lililo wahi kutokea. Ishara hii ilikuwa ya muhimu katika maisha ya manabii wengi na katika maisha ya Yesu.

## Siku ya Bwana

Ni ile ambayo Yohana mwandishi wa Ufunuo aliita Jumapili, au siku baada ya siku ya Sabato. Ni siku ya juma ambapo Yesu alifufuka kutoka kwa wafu. Kwa sababu hii, makanisa yalianza kukusanyika kuabudu Mungu siku za Jumapili.

## Siku ya Bwana

Kwenye Agano la Kale, ilikuwa njia ya kuzungumzia wakati wa hukumu. Mungu angeleta hukumu dhidi ya watu wake au dhidi ya maadui wao. Kwenye Agano Jipya, inamaanisha kurudi kwa Yesu ambapo atatoa hukumu kwa watu wote (kurudi kwa Yesu). (Siku ya hukumu)

## Siku ya hukumu

Wakati ujao ambapo Mungu atahukumu wanadamu na viumbe wa kiroho. Ataonyesha ikiwa mawazo yao, matamanio na matendo yanakubaliana na kile anachotaka kwa ajili ya ulimwengu wake. Ataonyesha ikiwa wamefuata njia zake. Atatenganisha kabisa uovu na wema. Ataangamiza kabisa milele yote ambayo ni mabaya. Yote ambayo ni mazuri yataishi milele kwa amani na furaha na Mungu. (Siku ya Bwana Yoeli 1:1–20.)

## Siku ya Sabato

Ni siku ya saba ya juma kwa Waisraeli na Wayahudi. Ilikuwa siku takatifu walipopumzika na hawakufanya kazi. Hii ilijumuisha mifugo yao, watumishi wao na wageni waliokuwa wakiishi nao. Ilikuwa siku ya kuheshimu jinsi Mungu alivyo pumzika baada ya kuumba ulimwengu. Pia iliheshimu pumziko ambalo Mungu aliwaahidi Waisraeli baada ya kuwaokoa kutoka utumwani Misri. Siku ya Sabato ilikuwa ishara ya agano la Mungu na Waisraeli kwenye Mlima Sinai. Siku hiyo

ilikuwa ukumbusho kwamba Mungu ni mwema na anatoa kile ambacho watu wake wanahitaji. Baadaye, viongozi wa kidini wa Kiyahudi walitunga sheria nyingi kuhusu kile kilichoruhusiwa siku ya Sabato. Sheria hizi hazikuwasaidia watu kumheshimu Mungu kila wakati. Yesu aliwafundisha watu jinsi ya kumheshimu Mungu siku ya Sabato. Ingawa viongozi walimpinga, alifanya miujiza siku ya Sabato.

## Siku ya Upatanisho

Hii ilikuwa siku ambayo dhambi zililipiwa. Ilikuwa siku ya kumi ya mwezi wa saba. Ilizingatiwa kuwa siku takatifu. Inaitwa Yom Kippur pia na Wayahudi ambao bado wanaisherehekea. Kuhani mkuu alitoa dhabihu ya ng'ombe kwa ajili ya dhambi zake na dhambi za familia yake. Alitekeza uvumba na kutoa dhabihu ya mbuzi mmoja kwa ajili ya dhambi za Waisraeli wote. Alinyunyiza hema takatifu na Chumba Kitakatifu Zaidi na damu. Hii ilijumuisha kunyunyiza madhabahu na kufunika sanduku la agano. Kisha hema takatifu, Chumba Kitakatifu Zaidi na madhabahu vilizingatiwa kuwa safi na takatifu. Mbuzi aliye hai alibeba dhambi za watu hadi jangwani. Kwa sababu ya hili, Mungu alibaki pamoja na Waisraeli. (Kufidia)

## Siku za mwisho

Njia ya kuzungumza kuhusu wakati ujao. Manabii wengine katika Biblia waliuelezea kama wakati ambapo Mungu angechukua hatua. Angechukua hatua kuhakikisha kwamba watu wote wanamheshimu. Waandishi wengine katika Biblia waliuelezea kama wakati wa mateso. Ingekuwa wakati kabla ya Mungu kuhukumu ulimwengu. Watu wangepanya mambo mengi maovu wakati huo. Waandishi wengine wa Agano Jipya waliuelezea wakati baada ya ufufuo wa Yesu kama siku za mwisho. Ilizingatiwa kama wakati ambao kanisa linaishi hadi Yesu atakaporudi duniani.

## Sikukuu ya Mikate Isiyotiwa Chachu

Ni sikukuu ya Kiyahudi iliyodumu kwa siku saba baada ya Pasaka. Wakati huo, mkate ambao Waisraeli walikula haukuwa na chachu ndani yake. Hii ilikuwa kuwakumbusha kuhusu kutoka. Wakati Mungu aliwaokoa kutoka utumwani, waliondoka Misri haraka. Hawakuwa na muda wa kutumia

chachu katika mkate wao. Wanaume wa Kiyahudi walitakiwa kusafiri kwenda kwenye hema takatifu au hekalu kwa ajili ya sikukuu hii.

## Sikukuu ya Pasaka

Wakati ambapo Wayahudi husherehekea jinsi Mungu alivyowaokoa kutoka utumwani Misri. Ni mwanzo wa Sikukuu ya Mikate Isiyotiwa Chachu. Jina Pasaka linatokana na kitu kilichotokea kabla ya kutoka Misri. Mungu alipita juu ya nyumba za Waisraeli wakati wa pigo la kumi. Ndiyo maana wazaliwa wao wa kwanza hawakuuawa wakati wa pigo hilo. Baada ya pigo hilo, Farao aliwaruhusu Waisraeli kuondoka Misri. Mungu aliwapa Waisraeli maagizo kuhusu jinsi ya kusherehekea Pasaka kila mwaka. Ilijumuisha mlo maalum na vyakula fulani. Miaka mingi baadaye, Yesu aliuawa wakati wa Pasaka.

## Sikukuu ya Purimu

Ni sikukuu ya Kiyahudi ya kusherehekea kuokolewa kutoka kwa mpango wa Hamani wa kuwaangamiza Wayahudi wote. Sio mojawapo ya sikukuu zilizoelezwa katika Sheria ya Musa. Wayahudi walianza kuisherehekea wakati serikali ya Uajemi ilikuwa madarakani. Waliisherehekea tarehe 14 na 15 za mwezi wa 12. Iliitwa Purimu kwa sababu Hamani alipiga kura kuamua ni lini kuwaangamiza Wayahudi. Katika lugha ya Kiebrania neno Pur linamaanisha kura. Amri ya Esta na Mordekai iliwaokoa Wayahudi kutoka kwa mipango ya Hamani. Sikukuu ilikuwa wakati wa furaha ya chakula kizuri na kutoa zawadi kwa maskini. Kusoma kitabu cha Esta kwa sauti kulikuwa desturi ya kawaida wakati wa Sikukuu ya Purimu.

## Sikukuu ya Tarumbeta

Siku ya kwanza ya mwezi wa saba. Tarumbeta za kondoo zilipulizwa kama tarumbeta. Ilikuwa ni siku tisa kabla ya siku ambayo deni ya dhambi ililipwa. Waisraeli walitumia siku hizo kupumzika na kutafakari, na kukiri dhambi zao. Walizitumia kujiandaa kwa Siku ya Upatanisho. Sikukuu hii sasa inaitwa *Rosh Hashanah*. Sasa inachukuliwa kuwa siku ya kwanza ya mwaka mpya kwa Wayahudi.

## Sikukuu ya Vibanda

Siku kuu ya vibanda ni sikukuu ya Kiyahudi iliyoanza siku tano baada ya siku ambayo dhambi zililipiwa. Watu walisherehekea mavuno na jinsi Mungu alivyowapa. Wanaume wa Israeli walitakiwa kusafiri kwenda kwenye hema au hekalu takatifu kwa ajili ya sikukuu hii. Katika siku saba za sikukuu, walilala kwenye vibanda. Hii ilikuwa kukumbuka jinsi walivyoishi kwenye vibanda au mahema jangwani. Kila baada ya miaka saba, sheria ya agano ilipaswa kusomwa kwa sauti wakati wa sikukuu hii.

## Sila

Kiongozi kati ya waumini huko Yerusalemu alifanya kazi na Paulo, Barnaba na Petro. Alikuwa nabii na raia wa Kirumi. Alisaidia kuchukua barua muhimu kutoka kanisa la Yerusalemu kwenda makanisa ya mataifa. Pia alisaidia Paulo na Petro kuandika barua kwa makanisa.

## Silaha ya kiroho

Vifaa ambavyo Mungu huwapa watu wake ili kuwalinda dhidi ya uovu. Vifaa hivi haviwezi kushikiliwa mikononi mwa watu. Ni vya kiroho. Vinaelezwa kama silaha au zana kwa sababu waumini wanazitumia katika mapambano ya kiroho. Kweli, utakatifu, amani, imani, wokovu, neno la Mungu na maombi ni aina za silaha za kiroho. Vifaa hivi husaidia waumini kuwa na nguvu katika imani yao. Vina wasaidia kumfuata Yesu kwa uaminifu na kuukataa uovu.

## Siloamu

Mahali ndani ya kuta za Yerusalemu ambapo kulikuwa na bwawa la maji safi. Siloamu inamaanisha kutumwa. Bwawa la kwanza lilijengwa na Mfalme Hezekia. Wababeli walilibomoa lakini lilijengwa upya wakati wa Nehemia. Maji kutoka kwenye bwawa yalikuwa yanamwagwa kwenye madhabahu wakati wa Sikukuu ya Vibanda. Maji ya bwawa yalitoka kwenye chemchemi ya Gihoni. Kulikuwa pia na mnara pale ambao ulianguka wakati wa Yesu na kuua watu 18.



## Simoni Mkirene

Mme atokaye Kirene aliyebeba sehemu ya msalaba wa Yesu. Askari wa Kirumi walimlazimisha kufanya hivyo. Kirene ilikuwa katika nchi inayoitwa sasa Libya barani Afrika. Wayahudi wengi waliokuwa wakizungumza lugha ya Kigiriki waliishi huko. Wangesafiri kwenda Yerusalemu kwa ajili ya sikukuu za Kiyahudi. Wana wa Simoni waliitwa Aleksanda na Rufo. Rufo huyu huenda ndiye yule Rufo ambaye Paulo alizungumza kuhusu katika Warumi 16:13.

## Sinagogi

Maeneo ambapo Wayahudi katika nyakati za Agano Jipya wangekusanyika kumwabudu Mungu. Wangesoma kwa sauti kutoka kwa Sheria ya Musa na Manabii. Kisha walimu wa Kiyahudi waliitwa marabi wangefundisha watu. Hii ingefanyika siku ya Sabato. Kulikuwa na masinagogi katika ardhi zote zilizodhibitiwa na serikali ya Kirumi.

## Smirna

Mji muhimu katika ngome ya Kirumi ya Asia. Ulikuwa kwenye pwani ya Bahari ya Aegea. Ni sehemu ya mji wa Izmiri katika nchi inayojulikana sasa kama Uturuki.

## Sodoma na Gomora

Miji miwili katika Kanaani. Watu waliokuwa wakiishi huko walijulikana kwa kufanya mambo maovu. Mpwa wa Abrahamu, Lutu, aliishi Sodoma. Mungu aliharibu Sodoma na Gomora lakini alimuokoa Loti. Mungu aliharibu miji hii kwa sababu ya njia zao za uovu.

## Stefano

Mmoja wa viongozi saba waliochaguliwa na waumini huko Yerusalemu kuwa shemasi. Alihakikisha waumini wote wanapata chakula cha kutosha. Wayahudi wengi walikasirika kwamba alihubiri kuhusu Yesu. Walimuua kwa kumpiga mawe. Alikuwa wa kwanza kati ya wafuasi wa Yesu kuuawa kwa kuwa mwaminifu kwa Yesu.

## Sulemani

Mwana wa Daudi na Bathsheba ambaye alikua mfalme wa Israeli. Mungu alimpa jina Jedidia. Katika lugha ya Kiebrania Jedidia maana yake ni aliyependwa wa Bwana. Jina hili lilionyesha kuwa Mungu alikuwa amemchagua Sulemani kuwa mfalme baada ya Daudi. Sulemani alikuwa mfalme wakati hekalu lilijengwa Yerusalemu. Alikuwa na hekima sana na tajiri sana. Aliandika methali nyingi na nyimbo. Baadaye katika utawala wake Sulemani aliacha kuwa mwaminifu kwa Mungu. Hii ilisababisha taifa la Israeli kugawanyika kuwa falme mbili.

## Susa

Mojawapo ya miji mikuu ya serikali ya Kiajemi. Ilikuwa iko mashariki mwa Mto Tigris katika nchi inayojulikana sasa kama Iran.